

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Općina Maglaj
NAČELNIK OPĆINE



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON
Maglaj Municipality
MAYOR

Broj: 05-45-1-1078-1/2022
Maglaj: 20.05.2022. godine

**IZVJEŠTAJ O UTROŠKU SREDSTAVA I REALIZACIJI PROJEKTA
ZBRINJAVANJA PASA LUTALICA U URBANIM SREDINAMA OPĆINE
MAGLAJ ZA 2021. GODINU**

I Uvod

Zakonom o komunalnim djelatnostima („Službene novine Zeničko-Dobojskog kantona“ broj: 17/08) u članu 3. definisana je djelatnost zajedničke komunalne potrošnje u koju spada obavljanje kafilerijskih usluga (poslovi stalnog i sigurnog uklanjanja životinja, pasa lotalica, lešina životinja, određenih nusproizvoda klanja, konfiskata i valioničkog otpada sa javnih površina).

Zakonom o zaštiti i dobrobiti životinja („Službene novine BiH“ broj: 25/09 članom 27., 28. i 29.) definisana je odgovornost ljudi za zaštitu i dobrobit životinja u pogledu držanja, smještaja, ishrane i zaštite napuštenih i izgubljenih životinja.

Na temelju člana 8. i člana 13. Zakona o principima lokalne samouprave („Službene novine Federacije BiH“ broj: 49/06) u Budžetu/Proračunu Općine Maglaj za 2021. godinu na poziciji 613 328 planirana su sredstva u iznosu od 18.000,00 KM za usluge zbrinjavanja pasa lotalica. U cilju prevencije širenja bjesnila i drugih zaraznih bolesti, zaštite napuštenih i izgubljenih pasa te sigurnosti i zaštite svojih građana, Općina Maglaj prihvatila se obaveze sufinansiranja Projekta zbrinjavanja pasa lotalica u urbanim sredinama općine Maglaj za 2021.godinu.

II Realizacija projekta

Općina Maglaj je dana, 01.04.2021.godine potpisala Ugovor o sufinansiranju Projekta zbrinjavanja pasa lotalica u urbanim sredinama općine Maglaj za 2021.godinu, broj: 05-45-1-434/21 sa Udruženjem za zaštitu životinja “Životinjsko carstvo” Tešanj, u cilju što kvalitetnijeg zbrinjavanja pasa lotalica uz pomoć higijeničarske službe u formirano sklonište za pse, koje se nalazi na teritoriji općine Tešanj i koje ispunjava uslove određene Pravilnikom o osnivanju i uslovima koje moraju ispunjavati skloništa za životinje.

U protekloj godini higijeničarska služba Udruženja za zaštitu životinja “Životinjsko carstvo” Tešanj redovno je obilazila urbano područje općine Maglaj i odvozila uhvaćene pse lotalice kao i napuštene pse u sklonište za pse, najčešće na poziv službenog lica zaposlenog u Općini Maglaj a ponekad i samoinicijativno ili na poziv građana općine Maglaj.

Psi su se najčešće okupljali u čopore u blizini ugostiteljskih i stambenih objekata iz razloga što su tu nalazili ostatke hrane pored kontejnera jer su ih građani samoinicijativno hranili.

Uposlenici higijeničarske službe Udruženja za zaštitu životinja “Životinjsko carstvo“ Tešanj vršili su aktivnosti predviđene Ugovorom 1-2 puta sedmično, ponekad i u noćnim satima, u zavisnosti od potrebe.

Broj pasa lotalica se stalno smanjivao i stanje je bilo zadovoljavajuće a u prilog tome ide i činjenica da u protekloj godini nismo imali prijavljene napade pasa lotalica na stanovništvo u urbanom području općine Maglaj.

U toku 2021. godine iz urbanog područja općine Maglaj odveženo je više od 100 pasa u sklonište za pse.

Ukupno je u toku realizacije navedenog Projekta Udruženju za zaštitu životinja "Životinjsko carstvo" Tešanj uplaćeno 18.000,00 KM i to u više tranši, kako je i bilo predviđeno Ugovorom.

Saradnja Općine Maglaj i Udruženja za zaštitu životinja "Životinjsko carstvo" Tešanj je bila zadovoljavajuća u protekloj godini.

Saradnja građana Maglaja sa Općinom Maglaj po pitanju prijava pasa lualica je takode bila zadovoljavajuća i uglavnom su prijave rezultirale hvatanjem i odvozom pasa sa urbanog a ponekad i sa ruralnog područja grada u sklonište za pse.

Zajednički cilj nam je bio da se što više smanji broj pasa lualica i napuštenih pasa na području općine Maglaj, čime bi se povećala sigurnost stanovništva a naročito djece.

NAČELNIK OPĆINE
Mirsad Mahmutagić

